

新昌縣志

新昌縣志卷十

人物

循吏

五代

陳顯青州人梁開平二年任遂家於前山根

原志作丞當時有令及尉而無丞考詳職官表乾隆

府志於各邑所無之官而誤因原志書之亦失檢

曾孫捷宋咸平二年進士為青州助教至

十三世非熊更以忠節著

由成化氏族志增

宋

令

張公良字希留青州壽光人太平興國中為邑令立縣治建邑庠

新昌縣志卷十

人物 循吏

勤於政事卒於官不能歸民卜地葬之名曰官阡

志稿稱本宏治府志

後遂

家於邑裔孫鎬癸丑領江甯漕舉授登仕郎為藍田主簿

由成化氏族志增

族志增

王噲制勅有曰朕惟縣令乃一方之師表最為親民不得其人貽

害非細新昌僻附山溪民樸而號稱難治以爾老成通敏往復

乃事無曠厥官可嘉祐元年四月六日任滿家於三溪

原職官志注

至今民猶寶之是必能稱其職者

乾隆府志列淳祐九年任則表不宜在開慶後評本稱萬歷志亦作淳祐

茲以其年較有月日可憑當必見是誥勅補入者概皆更正

葉均嘉祐七年任為民奏免折納民皆德之

原志注

朱珉青州人治新八年民咸感佩留住東鄉里人析地以居讓不

受因名讓里子聰政和進士孫處仁隆興進士

原職官志生

陳橐字德應餘姚人登政和上舍第任天台黃巖臨海新昌令皆以愷悌稱呂頤浩欲授爲御史約先一日見橐曰宰相用人乃使之呈身耶謝不往趙鼎李光交薦其才紹興二年除監察御史論事不合以宰邑有治行除江西運判官至徽猷閣待制王十朋爲風土賦論近世會稽人物曰杜祈公之後有陳德應

府志

志稿稱由宋史增

林安宅閩三山人紹興十二年知縣事至卽修廢墜敦教化改建學宮置田養士更修縣治坊郭門巷祠廟築東堤以禦水患浚七星井開孝行碑民至今利賴之宋時有功於縣者安宅爲最

新昌縣志卷十

人物 循吏

二

累官尙書參知政事士民懷之肖像立祠曰止水廟

萬歷志

著有

南海集三十卷見宋史藝文志

評本

史浚字堯翁才之子才爲永嘉守李光簽幕浚方就傳附學部齋每旦必束書以俟戶外寒暑如一光奇愛之以父澤補將仕郎監潭州南嶽廟乾道六年調古田尉兄浩帥閩避親不赴淳熙四年知新昌縣朱熹爲提舉一見如舊卽以滯訟委之天台有王烏頭者以析產訟三紀矣浚召其黨諭之曰至親終訟未有不破家者我非不能處斷一有勝負汝必將復訴遂與酒肴使交相悔謝明日復拜庭下曰今不復訟矣熹深爲器重自是親戚有訟率以此處之或使拜起揖遜於前而去得罪於父母者

輕重亦惟父母是聽曰吾盡法則傷恩矣催科不擾而集嘗曰寬之於粒米狼戾之時而迫之於半菽不給之際是罔民也乃爲曉諭數百言謂及今不輸納將來不免追催讀者咸感悟邑在山間趣辦役夫以應過客月或至數四浚令鄉各置籍據籍點差自輦輸官物之外一無所役三年間戶不過再及至遠者或終不及也大谿自天台而下溉田甚廣舊有堤常壞浚曰人力不至爾出官錢屬耆老督築民競勸趨其他陂徑修繕者無不堅久鄉吏銷鈔不以時遇有點吏追擾及已輸之民浚慰勞其人間道里期會之費悉爲還之罰吏金以償吏民困於輸金其弊遂絕僧訟一民負錢至數百緡浚疑之問民妻安在曰近

鬻於人矣卽詰僧曰此人甚竄何屢貸之汝必私其妻妻鬻故訟耳僧語詘又有訟僧殺其子而屍亡者浚念筍蕨方盛此必爲盜被擒而竄爾責僧尋訪而寬其期尋獲之一訊而服或殺人於野而未獲尉卽以他盜塞責浚察其非是皆縱使去旣而眞盜乃見猶微服至其處覈之與獄辭合縣計逋負以萬數浚考歲入之目窮蠹耗之原曰吏姦耳吾能除之先是歲用一吏司出納羣吏表裏借貸浚使日一易之凡一日之入暮歸諸帑久而寢饒重門頽圯衆人請爲區畫自己一物不取於民有獻木者浚曰官自足用此汝先壠中物或與族黨不平將假手於我耶郤之嘗籍諸鄉之盜拘之民間無復犬吠之警旣數月相

率而訴曰某等失業爲此今已知悔且望少寬許其日就傭役
夜必歸宿及是皆執役於官復新縣庠行鄉飲禮浚資明而健
決兩詞至前情僞立見每日久訟廢業實官司不決之過及將
去任念猾吏後或爲姦利則貧弱必受其害乃許請斷由以備
於是請者日至一一給之民感泣請立生祠力止之十三年差
權通判婺州積官至朝請大夫嘉泰三年卒年七十有五浚性
孝親喪既葬結廬其旁諱曰先期齋素哀慕涕洟如始喪女兄
適周氏事之甚篤見其卜居以金溪別墅遺之在官以廉節自
勵俸給之外凡有例者皆不取好仁樂施其居鄉以古人自期
焉

樓鑰撰
墓志

子彌遜蕭山主簿彌迴嘉泰中餘姚尉府志遷臨海主

新昌縣志卷十

人物 循吏

四

簿通志爲海鹽令由鄞志增

錢宏祖台州人嘉定間任重建大成殿有惠於民原職官志注

丁璫字世珍常州晉陵人淳祐中爲縣令值歲荒郡守命賑之璫
曰欲行荒政宜緩催科欲恤小民宜優上戶蓋不取乃所以予
而藏富實爲資貧也乃緩刑薄斂平糴勸分使有無相濟歲賴
以不害既又作新學政製祭器置學田釋奠割牲皆列圖刻石
尤工文詞善篆隸後陞大理評事民立碑以志去思原名宦傳
王世傑金華人寶祐元年知縣事重建學廟修頽起廢立先賢祠
於學宮製十二賢贊表林安宅之績身自設教講明理學士風
大振鄰邑集講者蓋數百人焉士民德之爲立生祠原名宦傳

周備字正輔安吉人寶祐四年知縣事剛正明敏時相丁大全引用汚吏預令州縣上供備舉手誓天曰備頭可斬決不爲新昌開此例上命督責愈急備終不變當時咸以頑令目之其後他州縣被害積五六年不已而新昌以備故獨免秩滿攝監察御史忌者諷臺臣劾去公論惜之原名宦傳

張珣字國珍南軒先生之裔也登淳祐庚戌進士開慶己未任新昌令躬節儉崇禮教是時民財匱於兵而倖臣柄國者專事苛斂珣守正不阿寬徭緩賦雖獲譴不顧元兵南下珣團結義勇爲固守計邑賴以安後卒於官子孫因家焉原志六世孫世賢明監察御史德友給事中由成化氏族志

新昌縣志卷十

人物 循吏

五

陳埜字居實性忠直遇事剖析無疑然有度能容人不以摘發爲能年七十有八咸淳二年舉才能異等科授承事郎卽任本邑原名宦傳

汪得中鄞人敷文閣學士大猷從子字履道原志誤以字行官丞時勉於所職會邑令更易攝承久之與表兄樓鑰書云邑雖小惟恐無尺寸自見以及吾民雖欲一日暇不可得也鑰以其言爲有理

爲作廳壁記

由鄞志及玫瑰集增

元

達魯花赤

火魯思密畏吾人至元二十四年以進義校尉爲達魯花赤時兩浙鹽法竣吏民因緣爲奸思密得其狀馳白運司民賴以安未

幾有誣彩烟鄉民爲不軌者思密力辯之得釋二十六年二月以公事赴府佐貳官從他役婺州賊楊震龍語詳大事紀突入縣治焚官宇民居刦掠甚慘思密急歸禦之會沿海管軍千戶崔武德等將步騎二百人至猶豫不敢進思密獨騎爲先鋒至豐樂鄉與賊遇遂戰於長潭積三日不解崔死之思密出死得生次日又整衆決戰賊敗走殺獲甚衆三月六日賊唐仲聚衆三千餘人寇安仁鄉思密遣間聲言大軍且至隨卒數十騎襲賊於五峯嶺賊見驚走鼓譟追殺之初八日會有探馬赤總把桑古孫從蒙古軍三十輩過縣而震龍餘黨復寇縣號一萬二千思密輒與其軍邀擊於葫蘆畧射賊前鋒遂驚潰吏民乘勝追殺

新昌縣志卷十

人物 循吏

六

之十六日大司農卿脫脫與石招討各翼萬戶討震龍餘黨檄

思密會東陽思密馳往盡降其衆新岷兩邑以安

原名宦傳

尹

李拱辰字廷弼磁州滄陽人黃潛墓誌磁州人至大中爲縣令縣當兵亂後鎮守軍多悍鷙剽奪負榔田稻熟將收軍結茅屋居其中民甚苦之拱辰初下車令一日盡撤去敢取民一粟者罪岷縣達魯花赤高閭欲效所爲衆不從毆辱閭死而復甦縱逆黨遮絕道路使不得白於上官拱辰聞之曰恤災救鄰古之道也是可以坐視哉亟馳驛上聞犯者盡坐罪人皆壯其義云郡有蝗入境監司命官督捕至則峻刑剝削吏民狼狽失所拱辰

執其從者杖而歸其主主者愧服庭無宿訟日與賓佐觴酒賦詩爲樂或遨遊田野間逢文士輒下車禮之時版籍沒於兵火拱辰親履畝丈量置魚鱗冊比前人計慮尤精萬歷志後改歸安

尹延祐六年擢監察御史乾隆府志

王綸開平長垣人天歷元年任重興學校勸農桑置贍學田碑記

尙存原職官志注

尉

袁居敬益州人至順中以善政巡檢攝縣尉事治僞鈔有惠政士民德之謠曰民不聊生法不行姦貪詐僞日縱橫爲官盡學袁巡檢世界何憂不太平原職官志注

新昌縣志卷十

人物 循吏

七

教諭

葉載采台州人至治初任教諭文章高古所製有祭器記刻石大

成門內今尙存原職官志注

明

知縣

周文祥淮安人洪武元年知縣事當亂後官廨民居盡燬於火文祥廉明剛決次第修舉靡不周備遷杭州通判卒葬新昌子孫

因家焉原名宦傳

賈驥山東泰安州人洪武四年任公勤廉謹政尙寬平民訟不決者驥乘小肩輿或騎驢親至其處斷之袖數餅食以充飢復持

一小瓢酌溪流飲之民有獻茶湯者不受公暇則召諸生講學諸吏讀律役夫灌蔬每日兩餐惟素粥而已在任九年政化大行遷刑部主事去百姓遮道挽留哭聲動地既有疑獄欲爲求生不得乃嘆曰奉法則枉民伸民則違法不若自死之爲愈於是從容區處家事復爲書別其親友朝退沐浴更衣自縊而死人人感嘆新昌士民設祭哭之載明一統志原名 宦傳

劉彬直隸江都人永樂元年任由教官知縣事公恕廉潔人皆稱之值修龍亭其妻使人以一縑筐寄漆彬不知也人有媒孽之者竟坐此去官輿論惜之原職官 志注

馮吉南直上海人由進士永樂三年任廉而有威寬而不縱後調

新昌縣志卷十

人物 循吏

八

任去吏民懷之

原職官 志注

按府志是年餘姚亦同此一人豈先後有調署之任歟志稿

黃聰字彥達山東武城人由監生景泰五年任存心正大省事愛

民九載滿去民思之

原職官 志注

毛鷄字廷瑞直隸長垣人由進士成化元年任居官守法不爲詭隨豪右怨之乃誣以他事聚衆執之鎖禁凌辱極諸苦狀後其事得雪以賢能擢監察御史旋轉浙江廉使未嘗言及往事人皆服其雅量作志者諱其事遂加以吏威民服之語故爲之白

其因

原職官 志注

黃著字誠夫吳江人由進士成化六年任廉勤節愛善詩文能知

人下土時呂獻久沉抑著至卽擢首選俞深俞振才俞振英俱爲賞識途遇四人卽下車延謁獎與之提學張悅校士得卷默令識認著對無異未幾果並登第一時傳爲美談後陞監察御

史去

原職官志
注志稿增

李楫字時濟汀州上杭人由進士成化十一年任政尚廉公百務具舉民皆安堵以邑未有成志命訓導莫旦據洪武十一年永樂六年景泰五年採葺遺稿纂志十六卷至今文獻足徵其功不可泯也

原職官志注

樂經江西淮陽人由舉人成化十四年任政治明敏文學優瞻修築東堤有惠於民在任未久而卒

原職官志注

新昌縣志卷十

人物 循吏

九

唐夔字希韶廣西全州人以弘治庚戌進士知縣事性資明敏折獄曲盡隱衷時稱神明蒞任三月庭無留訟訟有理屈惟畧加朴戒不傳罪立案曰倘有未直俾可他理其用法平恕如此省事節費奸弊盡洗吏胥多辭去

原志

隸卒皆令業履門不設禁有事得徑入自白民呼唐青天謠曰堂堂一片天萬里鏡中懸照見千人膽能雪萬民冤未幾以忤上官調東陽民涕泣送之留像譙樓以志去思後訟有不理者或往東陽求決焉累官至知

府

原名
宦志

姚隆字原學應天上元人宏治壬戌進士知新昌縣事以節冗費恤小民爲務凡斷大獄必於公庭焚香告天然後以法按之其

明慎用刑若此

原名
宦志

後陞南部主事去士民餽一無所受時歲

旱民多流殍設法賑濟多所全活數辨冤獄有懷金謝者力拒

之陞主事後出守荊州

志稿本
通志增

毛震直隸太倉人由進士正德七年任坦夷簡樸因中年乏嗣諸

事務存寬恤造橋平路日行方便告致優遊自適

原職官
志注

曾時江西豐城人由舉人知縣事嚴毅有爲凡諸事興革虛心講
求務盡下情練達刑名屢平反冤獄貴勢有犯立拘其子弟杖
之且心無偏繫覺有過誤卽對衆悔改不違疽發暴卒民爭至
喪次哭奠之有扶柩至家者士大夫多美以詩李亞卿一絕云
送官情淡接官濃此是民風亦士風有客殘冬扶冷櫬求君當

新昌縣志卷十

人物 循吏

十

在古人中卽此可見其清操矣

原名
宦傳

佟應龍淮安山陽人由進士嘉靖元年任廉明愷悌下車首詢民
瘼衆以賦役不均對應龍亟爲平圖里汰冗濫黜奢靡又善劑
短量長補偏救弊意在佐小民抑豪右而不露聲色有請托者
初不峻拒而臨事一斷以理於法外稍通一二以故士民無強
弱咸德之至今父老稱某事善必曰佟侯佟侯云民思之爲立
碑南明山肖像茶亭終知府

原名
宦傳

曹祥字世奇太倉人領鄉薦爲新昌令嘉靖四年任節省里甲悉

力備荒歷任九載

原職官
志注

洞垣不設鈎鉅訟者片語而決間擿

一二訟師斥之境外民多弗舉女祥乃爲嫁程若嫁厚者責計

裝奩及棄女者以次受法欲築堤捍水親行水次吏民畢從乃手一最重石肩筐土告衆曰視吾力所任而準辰而出西而罷亦視吾出入爲準不易月堤成爲令九年其俗一變比代邑人之有女者以千數攜而送曰此爾父也母卒遂不復仕志稿本通注增

姜地江西鄱陽人由舉人嘉靖十四年任吏事精敏興廢舉墜百

度值規有古良吏風士民久而思之

原職官志注

侯祖德字企竹

評本

無錫人由嘉靖二年任縣丞雅有志操時兩衙

薪馬皆私倍其額祖德於本額外毫不敢加署縣時廉靖愛民時稱不擾有冤獄力爲雪之侃侃不避也擢江山知縣終太僕寺丞祖德與佟令相後先民德之肖像西郊與佟公並祀原名宦傳

新昌縣志卷十

人物 循吏

十一

曹天憲字恒卿江西浮梁人嘉靖二十一年以進士知縣事性剛直不習脂韋時縣官公出必攜坊廂盛苞苴廣爲餽遺及祭祀宴飲務極侈靡天憲至躬先儉約一切罷省之不攜家累延諸生直至寢室蔬食相對泊如也慮繁費病民乃著賦役成規勒石儀門邑阻山民苦夫役爲言當道悉減省卽取怒貴要不顧一監司過縣首問沃洲天姥天憲正色對曰山不在高有仙則名今仙去矣止荒山耳監司慙而止御史舒汀風裁嚴急人有以譖言入者待憲非禮挺然不爲屈對訟溫詞開諭而聞者凜凜歲旱布袍芒屨行禱烈日中出舍僧寺凡閱月望見枯槁卽泫然淚下爲文責城隍欲自焚以謝百姓已而霖雨浹辰歲因

以稔其他修文廟行鄉約表節孝種種不可殫述遷兵部主事

去民爲立祠肖像終四川參議

原名
宦傳

按與原稱二十九年不合詳表中

宋賢字及甫直隸華亭人以嘉靖甲辰進士知縣事廉明方正不務聲華繼天憲爲政遵其約束風裁或稍讓而精審過之庭無滯獄人服其明邑田畝多坍荒或抱空稅奸巧者或饗無糧之田會上司下方田令賢精於勾股法乃教民履畝度田公暇乘肩輿上下山坡躬較量之期月事竣乃編爲經緯二冊圖坵片列名號於中以便稽閱一時弊絕賦均至今稱便其天性廉潔始終不渝民以曹宋並稱後擢御史旣去肖像祀西郊

原名
宦志

新昌縣志卷十

人物 循吏

十一

按志稿於此上注明修孝行碑一事未知何公主任

何孟倫廣東新會人由進士嘉靖二十九年任廉介剛直不畏強

禦好賢禮士而惠及於民未嘗陞刑部主事

原職官
志注

卓爾福建長樂人由進士嘉靖二十一年任愛民禮士出於至誠以新邑路當台溫里僅三十應付浩繁遞年共捐田三千四百四畝五分零每年租銀五百一十兩六錢八分五釐八毫幫助現役里長輪流支用至今賴之

萬鵬字雲程直隸武進人少游唐荆川門精經學善解說嘉靖癸丑進士授松陽令改新昌性廉介明習吏治尤精於律令常曰吾訓士惟一經治民惟一律期望謁學宮必進諸生講論剖析

疑義疊疊忘倦聽訟能得其情民皆輸服時倭寇大亂自台州突至邑舊無城民皆倉皇奔避不保其生賊既退去乃決議築城度方廣量丁土聚石鳩工使民分築之其所經處雖神祠墓舍促衆立壞之不顧也間微服往觀察其勤惰而賞罰焉民皆效力趨功暮年而城成然以是晝夜勞瘁竟卒於官室無長物惟壘菜一瓶俸米數斗而已民哭之如喪慈父母焉肖像西郊與宋公並祀

以上二人均原名宦傳

蕭敏道字曰遜登己丑進士嘉靖四十五年任寬厚仁慈政簡刑清講鄉約勤課讀藹若家人父子焉先是新昌輸糧邊海里遞疲於奔運傾家產者比比敏道申白當道力請革之民賴以蘇

新昌縣志卷十

人物 循吏

十三

邑治面山負水川流陡注惟憑東堤以障後堤壞僅存基址敏道下車先事預防繕垣甃堤既而水漲台剝悉患陟而邑城無恙舊有如坻大有二倉斗級爲民患申請革除利被一邑遷南京刑部主事去士民肖像與曹侯並祀詳參議俞則全碑記

原名

宦傳志
稿增

李之達江西東鄉人舉人隆慶四年任居官清苦不擾於民公出自攜蔬糗歲稔嚴禁貧民之攘竊者邑賴以安然性善忘公牘或失檢未幾爲人構竟調湖廣城步縣去

原職官
志注

謝廷試福建晉江人由舉人隆慶六年任氣雄豪有治才嘗均平圖里重建明倫堂未幾以嚴刻遭構遂去任

原職官
志注

田瑄字希玉福建大田人由辛未進士萬歷二年任有冤獄亟爲
出之向俗以人命誣奸每至破產瑄痛懲數輩乃革原邑多盜
每鄉廉眞盜一人立爲總甲令其緝捕盜頓息清一歲旱徒跣統志
禱赤日中誠感澍應一日行野見田有渠無水怪問之民曰修
渠則小民得水則勢家我何苦爲瑄乃舍郊外督民濬渠且爲
履畝均放之自是負郭田一萬三千餘畝悉成膏腴民每候其
出爭爲舉輿歡聲溢田野間作分水亭以憩之瑄慮歲久法湮
捐俸買田十餘畝爲每歲濬渠費通志萬歷纂修縣志時序論記
跋皆出其手見前令有一美政必表章之萬鵬有築城功亟爲
建亭立石於縣門陞南京戶部主事去民肖像立祠原名
宦傳

蔣正元廣西灌陽人由歲貢授新昌縣令不事更張惟守成法喜
怒不形於色視民如子民稱爲蔣父創立義倉二十間於城隍
廟東積穀以賑饑荒申除斗級之害陞藩府長史值寇亂以身
翼蔽藩遂遇害撫按交疏旌異新昌立祠祀之原名
宦傳

李應先晉江人萬歷三十六年由舉人知縣事廉明剛正吏不敢
欺課士衡文有知人之鑑詰盜卽祛篋必獲夜戶不閉值編審
以十載利害攸關殫心獨裁按田均役里甲相安邑人德之崇
祀名宦子佺臺以進士任浙省左轄原名
宦傳

鄭東璧號懷玉江西玉山人由鄉舉萬歷間爲新昌令博通書史
行文敏捷千言立就下車見諸事廢弛力爲振舉操守清介能

洞悉奸宄釐剔宿弊創四勸亭勸民耕織又捐俸修驛舖自天姥至關嶺舖舍一新勤課諸生獎拔皆一時名士秩滿陞廣西桂林府同知有生祠去思碑在祥溪廟東

原名宦傳

後陞曲靖府同

知

由志稿增

朱仁臣江西進賢人由舉人天啓四年任縣事明敏廉幹善決獄好士愛人捐俸倡修學宮時山谷多盜輒嚴督捕役曰盜與捕未有不陰相結者不獲以其罪罪之故所緝無弗獲獲卽庭鞫罔有波害民至今思之

原名宦傳由志稿增節

張騰先號搏九蜀縣竹人由舉人令新昌下車卽察利弊革陋規緩賦稅歲饑出義倉賤糶以賑貧者且學有源本課士衡文必

新昌縣志卷十

人物 循吏

十五

示其奧義秩滿陞河南彰德同知去邑人攀轅號泣焉後子經捷南宮歷陞定州道死叛將劉超難幼子絢亦以壬午舉於鄉

原名宦傳由志稿增節

萬需圻字若霖常州宜興人由舉人崇禎癸未任性通敏爲政惠而不弛嚴而不苛閱二月士民咸愛戴之值鼎革間軍需旁午憲牒日數至從容籌應民不至驚擾鄰封聚兵震虢多方捍庇邑中賴以安堵有無賴數人藉倡義名將爲邑患盡捕殪之境帖然尤加意學校勵諸士以禮義飭躬嗣後彬彬蔚起皆其培養之遺澤焉

原名宦志以上知縣

丞

王東江西人正德間任勵志有爲守法不撓定圖里不徇情人皆

服其公當

原職官
志注

劉昇華亭人例貢嘉靖二十四年任頗廉幹凡公費以節約法以均諸暨民有告人命而買屍抵驗者適委昇驗昇微行廉得其狀及開棺一訊鞫之兩情輸服一時稱爲神明後陞王府官遂

去任

原職官
志注

楊遇春南直甯國人監生隆慶六年任性樸真任直不善事上官不阿順貴勢以此獲譴後陞楚府典寶

原職官
志注

王新民號樵侗福建邵武人萬歷癸丑冬授新昌丞尋視邑篆興學校講鄉約捐俸賑饑善政著聞左遷益府內史王雅好文學

新昌縣志卷十

人物 循吏

十六

至卽條列格心講學親賢士絕玩好減音樂數事上之王嘉納賜綺衣一襲置諸左右爲啓沃助未幾告歸王勉留辭以病乃至新攜眷屬將歸閩士民挽留不忍舍去遂卜居於邑之舊東門聚奎坊家焉後以子性之貴贈文林郎

原名宦志并職官志註補
以上丞按注稱莫如能有

才幹劉衷有傳今皆
無攷其餘遺佚可知

典史

曾衍字伯曼廬陵人性嗜學工詩文洪武初爲新昌簿勤惠廉潔甚著聲稱政暇不談吏務輒與邑中高士相唱和所刻有濮泉稿壑丹記邑人至今重之

原名宦志乾隆府志亦同惟原題名作
彥省志謂衍文府志又糾之未知何據

鄒端江西豐城人景泰年任重修大成殿

卜筮直隸江都人吏員嘉靖十八年任才幹敏捷操守無玷上官多委用之

朱禧直隸上海人嘉靖二十六年任慈祥不苛明於醫學遇人有疾輒以藥濟之不索其值

危子儀字一經福建建甯人萬歷二十年任青年有志任事婉謹怨者搆譴去惜哉

以上均典史見原職官志注

教職

莫旦吳江人少豪邁有才名登京闈魁選成化十三年訓導啟迪士子以古學文風一時不振更喜表揚節孝或造其廬或拜其墓敦尚風節又如此後獻明一統賦京師傳誦之

原名纂修縣志

新昌縣志卷十

人物 循吏

十七

志文辭豐贍後又每資以考證

原傳

迄今所稱成化莫志其定本

焉

增

王安學問雖淺而教諭有方持已端潔楊信民章良民甄完一時名傑皆出其門上馬爲之執鞭捶鐙自以爲榮

由成化志增

許淵字有本黟縣人由歲貢嘉靖間任教諭性明達有才辨尤善建白嘗議建水利舉荒政諸事建尊經閣修號房築泮池置學田興廢舉墜學校規程煥然一新人稱東許先生惜未竟其用云

原名宦傳

陳祿字澗松閩縣人嘉靖初以選貢爲廣西肇慶府四會縣訓導教士稱有法三十三年陞授本邑教諭幾十年尤能以師道自

居易近人不立崖岸邑人士歌之謂如坐春風中四十一年以階晉萬州學正去爲立生祠以誌不忘

由碑記
採稿增

徐憲高郵人由歲貢任教諭剛毅質直不苟取與時有貴勢及猾民欲奪贍學田者憲執不可或於宴會中言及憲拂衣出曰此田乃諸生燈火所資當垂百代吾官一時耳官可去田不可奪或訕侮之竟投劾去

原名
宦傳

李祝廣西融縣人由舉人嘉靖四十四年任教諭申飭學校嚴立文會間或條陳時務悉中機宜憲臣郡守咸器重之陞龍泉知

縣去

原職官
志注

王一化直隸泰興人由歲貢隆慶五年任教諭圓融不滯能以師

新昌縣志卷十

人物 循吏

十八

道自持不爲降屈遇諸生利害力持之雖貴勢不撓貧乏假貸

無不立應士皆德之陞應天教授諸生立碑學宮

原職官
志注

周坤福建福州人由舉人嘉靖二十二年任教諭爲人方正善說書凡諸儒疏解靡不通貫朔望升堂講學亶亶不倦後開閣講授人咸服習不爲佞諛對長官摩腹自如人益敬之冬日止御袂衣曰吾冷官不宜太煖士能忍饑寒方有受用處其議論如此稍有餘輒以賙貧乏者蓋近世學官能以身教得師儒體無如坤者後陞國子監助教

原名宦傳以
上均教諭

許儼賢字子官莆田人由歲貢嘉靖間任訓導與淵同時而官舍居西故人稱西許先生喜誦說仁義論難經旨辨註疏異同津

津不置視諸生貧者尤加意恤之歲時饋遺輒弗受諸生有終喪而以幣見者嘆曰吾聞禮尚賙賻哀有喪也吾未之能行而又受惠於子乎亟麾去署縣事乃以贖金易田贍學其律已甚嚴與人寬而恕課諸生誠意懇切有犯者不稍貸人以長者稱之去之日爲立碑以志去思

原名宦傳

余經桐城人嘉靖三十九年任和氣藹然口不言利性尤好士未

幾致仕去

原職官志注

譚機江西萍鄉人嘉靖四十四年任訓導性慈良不苟取與能加

惠諸生後陞任去諸生餽遺一無所受

原職官志注

王不顯號君謨雲間人由明經任訓導渾厚忠恕言必則古恭以

新昌縣志卷十

人物 循吏

十九

接物會鼎革行遯山中敝衣草履日一舉火或遺之粟不受事定歸行李蕭然諸生賫資以佐其行皆卻之爲立去思碑於學

宮二子光承光烈名重一時皆得之庭訓焉

原名宦傳以上訓導

清

知縣

胡悉寧號海若山東臨青人已丑進士慷慨樂易遇事通敏海氛方熾軍需孔亟纖悉具舉民勞而不怨知其無欲也善獎育人材無臧怨怒刑不煩而有要民賴以安舉卓異陞給諫去

原職官志

注

胡世則號默庵江西星子人舉人順治十年任尚寬仁滌煩科吏

民有小過勸令自新謂新邑小民疲催科不事鞭朴勸諭而已
迨考下未嘗歸咎於民去之日囊篋蕭然士民醵金以贈辭多
受寡比之劉寵陽城云

原職官
志注

俞居辰號拱北江南婺源人由舉人令新昌五年性平易不尚矯
飾馭下以寬和徵糧戶下散丁皆計畝而志之完欠判然縣署
被燬鳩工鼎建煥然一新

原職官
志注

劉作樑字木生號虛巖江西永新人須溪辰翁文安公定之裔也
順治戊戌進士初令粵之歸善甫期年誥誤歸民思其德立祠
於白鶴峯東坡故居之左康熙八年春任新昌值兵燹後百務
廢弛作樑才思強敏加意振刷紀綱舉而風俗變焉秉操清白

新昌縣志卷十

人物 循吏

二十

愛民如子時當大造編審均平宿弊盡除待士子以禮講學論
文煦然如坐春風中至建樓葺城修學纂志捐俸賑饑靡不曲
盡其心在任四年以勞瘁卒於官室無長物惟敝書數篋喪不
能歸士民追思其德肖像置田以祀

原名
宦傳

陳大典三韓人由舉人康熙十二年任時當閩變王師絡繹邑無
居民多方招集隣氛乘間薄城出奇擊之賊遂解散蒞任九年
崇文廟修祠祀百廢具舉後陞東城兵馬司指揮去邑人銘碑

紀績

原職官
志注

張宏字宥涵永平昌黎人康熙壬子拔貢授肅寧廣文丙寅夏陞
任新昌單車至衙舍四壁蕭然宏曰居官但期清慎勤愛養百

姓而已安飽無求素志也疏水篲瓢秋毫無取於民舊例值里有供給之煩每歲上役有臺蓋之獻以及鄉飲茶筍編甲解費諸陋規悉皆汰革詳報各憲硃示通衢去數百年之弊府志凡課士一本橫渠之教諄重勵行土風爲之一變志稿已巳兼攝嵯數騎往還清節愈勵明年竟以勞瘁卒於嵯原名宦傳

按康熙原志成於康熙初年此已相隔二十餘年職官志中尙未列銜此傳居然闕入顯見錯誤如此者不少府志亦因之可知劉志本未成之書所云壬子拔貢是年非選拔期亦無攷

張人崧未詳其籍貫雍正年間任亦未詳其德政爲奚自惟至今

新昌縣志卷十

人物 循吏

二十一

已二百餘年民間傳誦之不能忘每遇報賽時輒設其位以配神享是必有實心實政及民者採稿增

貴昌乾隆間以宗室來任素未知禮文爲何事而性坦易蒞官後時以便服出巡田野間遇有勤於其分者輒以金錢獎之民因呼爲木顛子遇有督撫學使等差皆以例應之亦無如之何聞其在京時亦以慧直爲衆所擠始出先有此號或曰木顛子卽後令莫景瑞以其治行相同故亦呼莫爲木云採稿增

李品鎬江西人嘉慶七年任時適旱災秋收甚歉惻然憫之次年語衆曰吾知所以治新矣迺以修渠之令下凡邑中諸水利無不舉尤以孝行碣爲最疏虎隊嶺至碣口爲放生池其分畝均

水一如明田公瑄成法及將去乃以修礮公田附之城隍廟兼立礮總履畝斂穀爲歲修費令六堡司事者以次董之歲一更代終而復始其政務周密類如此

由碑
記增

孫欽若山東茌平縣進士未知何年任道光二十六年丙午至戊申三年洊旱巡行田間知孝行礮爲尤要謀於邑紳呂璋璋亦喜爲助與其侄萬慶按畝勸捐衆難之公復延邑人陳大令金鑑等爲監修首先出資鷹餅銀八百圓於次年庚戌興工逾年始告竣辛亥北上壬子復回任更定每畝出穀一斗以爲疏濬費並置田十餘畝亦歸廟堡經理每年六月上旬一會議牌示各坂放水法民銘其德於亭云

由碑記并
採稿增

新昌縣志卷十

人物 循吏

二十二

楊際泰雲南進士未知其縣籍性清廉道光季年任

志稿誤書於嘉
慶年間以本事

證之當必在
道光前後

時英法破甯波提督余步雲退竄以萬人迂道過境

士民驚擾公妥爲供給日夕徒步親行閭闔邑得無擾余督亦愧而退邑民楊氏以賭案行賄拒之曰吾離家萬里區區博一官過錢塘江時已誓不受無名一錢苟得此能過江乎

語詳大
事紀

嚴飭者再旋陞石浦理民廳同知去始終囊無一錢竟卒於任其後同治間繼任者爲正觀亦雲南太和縣進士有能名課文必親閱面授特置獎賞錢以勵士子正暉則湖南鳳凰廳人光緒九年任臨事亦警敏如嵯界鹽案及城內烟葉公所案均爭之尤力謂嵯地繁庶痞類向多新則瘠苦倍他邑且性馴良無

事不率從違敢越境滋事屢與嵯令潘彬面質於上官前申覆再四新民卒無累是其尤著者餘或未及焉

石玉麒字康侯工文檄由生員從左文襄軍平浙江同治六年遂

署縣任遇事廉平尤爲民所信服十一年以彩烟之事起

詳大事紀

紳民相持已年餘矣上官器其才復自他邑調回公稔知民情于衆鬪城時當時將發火器特商龔守謂請俟勸諭後再勦得以保全無算後購線追緝正兇分別首從並議量恤被難各家皆帖服惜未三月卽升同知去繼任爲戴枚江蘇附貢如其議行之烟山駐防營勇始撤回民得休息禱雨輒應因共呼爲戴青天亦調鄞令煩缺去

新昌縣志卷十

人物 循吏

二十三

朶如正雲南人進士光緒年間任持躬儉約一如書生本色凡日用飲食雖子弟家人亦有節制嘗云儉以養廉吾於事一無請託不敢以賄進者此也後以卓異升知府去歸裝僅儲蓄三千金喜曰吾較之作學究有餘矣官非吾望也其尤著者在新烟商適以事得平獻錢千百緡爲公壽公卽首先創助育嬰堂遂以成立其在前者如丁昌穀嚴思忠之新學宮文廟等處鮑國琦之興義倉劉庭芬王貽信之建縣署在後如侯瑋森之設戒烟局華尊訓之辦積穀濮文曦之議修邑志劉承鈞之自認新政諸費亦不無一節可稱云

以上均知縣由採稿增補

縣丞

齊國士陝西蒲江人監貢州同改任縣丞儒雅好士愛民惠下口不言利歲旱步禱三十里外烈日不扇蔬食露坐得雨乃止有循吏風丁外艱去民懷之

原職官志注

朱啟運湖廣江陵人由甲午科副榜拔貢康熙十年任縣丞端嚴正直動必以禮與人接物一以誠愛為先視篆山陰蕭山民咸

德之

原職官志注

許建勳山西絳州人由貢監康熙十四年任於二十四年陞任知

縣

原職官志注以上丞

典史

陳大道江南溧水人康熙間任典史幹練多才值沿海投誠甚眾

新昌縣志卷十

人物 循吏

二十四

經理裕如運糧減費整新衙舍民多碑頌

原職官志注以上典史

教職

朱奕軒烏程人由恩貢順治五年任訓導淹貫博雅詞賦書畫兼

擅其長為茗中名士

原職官志注由志稿增節

潘可熙景寧人歲貢康熙七年任訓導和煦謙謹輕財重士卒於

署闔庠賻貲以歸

原職官志注

張君照孝豐人歲貢康熙十年由縉雲訓導調任新昌溫厚和平

惟以崇學校端士習為事蔬食蹙居不計也甫半載捐俸率士整修黌序尤為僅事也

原職官志注以上訓導

名宦

守土以上官概以功德及新者為準

宋

翟汝文字公巽丹陽人欽宗時爲翰林學士改顯謨閣學士知越州兼浙東安撫使建炎改元上書言陛下卽位赦書上供常數後爲獻利之人所增者當議裁損如浙東和預買絹歲九十七萬六千匹而越州乃二十萬五百匹以一路計之當十之三如杭州歲起之額蓋與越州等杭州去年已減十二萬匹獨越州尙如舊今乞視戶等第減罷宋史二年杭州卒陳通叛新昌民盛端謀率衆應之汝文捕斬端才引兵討通郡境以安紹興初召爲參知政事先是汝文薦秦檜才故檜引用之然汝文性剛不

新昌縣志卷十

人物 名宦

二十五

屈對案相詬卒爲檜所傾罷歸汝文守會稽以擅放逋賦自顯謨閣學士降爲直學士謝表曰敢若秦人坐視越人之瘠旣安

劉氏固知晁氏之危一時傳誦之

嘉泰府志
由府志增

黃由字子由長洲人淳熙八年進士第一通判紹興督行荒政於新嵒改糶爲賑擅發米五萬石予民不取值官至刑部尙書兼

直學士院贈少師

原志

張慮字子密慈谿人慶元二年進士授州教授爲浙東帥屬督新昌舊逋慮手書諫曰越人之瘠宜咻噢撫摩之今夏稅當爲之期使田里久饑之甿少還已耗之氣血尙可理舊逋耶力辭不行民賴少濟官至國子祭酒以爲月令之書雖成於呂不韋然

人主後天而奉天時此書不為無助乃著講義十二卷志稿由宋史增

元

陳祐字慶甫攷詳金石志及大事紀謹遵改正河南人至元十四年以浙東宣慰使

從百餘卒自福建抵新昌遇婺州玉山強寇挺身當之遂為所

害邑人憐其義勇立祠於城隍廟側其事具載俞浙碑記原名宦傳

明

李慶順天府人永樂中任紹興知府縣主簿郭讓所行多不法邑

人盧讓董讓率眾三十餘人縛之赴京至吳江平望鎮夜盜殺

盧董等三十餘人郭獨不死蓋其陰謀也乃潛至京誣奏新昌

民謀為不軌朝廷命都督費瓚領兵殲之慶具奏得白邑人賴

新昌縣志卷十

人物 名宦

二十六

以保全而郭遂棄市時人為之語曰三讓不讓一邑禍降一慶

有慶百里全命後官至兵部尚書死土木之難邑人丁川巡撫

順天祭其墓立祠東門外原留續志

陳讓晉江人由進士任本府推官承委築東堤經畫調度宣力效

勞務為經久計讓又加意學校置金庭觀田贍士至今賴之萬歷

志增

傅雲龍號惕庵江西金谿人宋儒琴山先生之後嘗讀書白鹿洞

以第一流人自期登崇禎甲戌進士歷工部郎中出任紹台兵

道明官制直省按察使以下副使簽事各省有兵巡道分守道無以紹台分道者後以倭寇權置甯紹道或稱海道此當亦權置足補明史之闕清初猶因之至

康熙三年止

清正寬厚禮士恤民癸未冬新令武鼎升剛俠任氣被

酒杖子衿闔邑閼然令以事聞臺司幾成大獄適傳公行部至
新慨然曰君之仁者善養士况邑令乎素能待士以禮何至此
不可不自反也隨渡江謁直指使請爲開釋事遂寢新人士德
之肖像祀焉後死節漳南

原留
續志

按今名宦祠有浙江按察使楊宗仁至塞白理諸位惟塞事
詳大事記餘皆國初時與平耿逆之亂有功於新民者惜其
事蹟無徵至孫總督爾準丁學使紹周二位當別有原因更
不可知矣附識於此

